

Այսօր Հայաստանի այս կամ այն վայրում ծնված լինելը շատ հաճախ որոշում է քո ապագան: Մենք ջանում ենք փոխել դա:

Կրթական հնարավորությունների անհավասարության պատճառով Հայաստանի տասնյակ հազարավոր երեխաներ զուրկ են մնում բարձրագույն կրթություն, մասնագիտական փորձ և ֆինանսական ապահովություն ձեռք բերելու համար անհրաժեշտ հմտություններից:

Այս անհամաչափությունն ավելի է խորացնում Հայաստանի ամենահրատապ սոցիալական խնդիրները՝ ներառյալ թուլացած տնտեսությունը, որը նպաստում է «ուղեղների արտահոսքին» ամենատաղանդավոր երիտասարդների շրջանում, որոնք լքում են երկիրը այլ հնարավորությունների որոնումներում:

«Դասավանդիր, Հայաստան»-ը սոցիալական ներազդեցության ուղղվածությամբ կազմակերպություն է, որը զբաղվում է կրթական հավասար հնարավորությունների խնդիրներով:

Ուսուցչական առաջնորդության միջոցով մենք փորձում ենք ապահովել կրթական գերազանցության և հնարավորությունների հասանելիություն Հայաստանի յուրաքանչյուր երեխայի համար: Մենք հավաքագրում ենք Հայաստանի և Սփյուռքի ամենախոստումնալից երիտասարդ առաջնորդների շրջանից՝ առնվազն երկու տարի դասավանդելու առավել կարիքավոր դպրոցներում: Մենք ուղղորդում ենք աչքի ընկնող բուհական շրջանավարտների և երիտասարդ մասնագետների էներգիան, խանդավառությունն ու եռանդը՝ Հայաստանի տարբեր շրջաններում նրանց որպես ոգեշնչված ուսուցիչներ և առաջնորդներ (Մասնակիցներ) տեղակայելու համար:

Մենք կերտում ենք կրթական գերազանցության առաջամարտիկներ: Մենք զարկ ենք տալիս կրթական համաչափության ջատագովների մի շարժման, որոնց առաջնորդության ջիղը ձևավորվում է նրանց դասարանային փորձառությամբ: Այսօր այս առաջնորդները ոգեշնչում են իրենց

աշակերտներին, իսկ վաղը նրանք կերտելու են ապագա Հայաստանը:

Իրենց երկամյա առաքելության ընթացքում Մասնակիցներն անցնում են մեր Առաջնորդության զարգացման ծրագիրը, որը հիմնված է մեր գլոբալ գործընկեր «Կրթություն բոլորի համար»-ի նախաձեռնած «Կրթությունը՝ որպես առաջնորդություն» մոդելի վրա և 30 տարի շարունակ կիրառվում է 50 երկրում: Որպես ուսուցիչներ, օրինակելի կերպարներ և համայնքային առաջնորդներ՝ մեր Մասնակիցներն իրենց հետքն են թողնում հազարավոր երեխաների կյանքում՝ թե՛ դասարանի ներսում, թե՛ դրանից դուրս: Նրանք ոգեշնչում են իրենց համայնքներին՝ հարևաններին համախմբելով կայուն զարգացման նախագծերի միջոցով տեղական կարիքների հստակեցման և դրանց բավարարման լուծումների շուրջ:

Իրենց երկամյա առաքելության ընթացքում և դրանից հետո այս առաջնորդները չեն դադարեցնում իրենց ջանքերը առավել բարելավ Հայաստան ունենալու հեռանկարի ուղղությամբ:

ՄԵՐ ՆԵՐԱԶԴԴԵՑՈՒԹՅՈՒՆՆ ԱՅՍՕՐ


7+
ՄԱՐԶ

100+
ԴՊՐՈՑ

14000+
ԱՇԱԿԵՐՏ

120+
ՄԱՍՆԱԿԻՑ

80+
ԿՐԹՈՒԹՅԱՆ
ՆԱԿԱՍԱՐԿՈՒԹՅԱՆ
ԴԵՄՊԱՆ



ՏԵՍԱԿԱՆԸ

Մենք ձգտում ենք ունենալ այնպիսի Հայաստան, որտեղ բոլոր երեխաները՝ անկախ սոցիալ-տնտեսական հանգամանքներից, կունենան հնարավորություն՝ բացահայտելու իրենց ողջ ներուժը գերազանց կրթության միջոցով:

ԱՌԱՔԵԼՈՒԹՅՈՒՆԸ

Մեր առաքելությունն է նվիրյալ առաջնորդների համագգային շարժման խթանումը՝ հանուն Հայաստանի բոլոր երեխաների կրթական հնարավորությունների ընդլայնման:

ՄԵՐ ԱՇԱԿԵՐՏՆԵՐԸ

Մեր ծրագրի մասնակից Նարե Ղազարյանին հանդիպելուց առաջ Դիանան միշտ չի եղել ամենակտիվ աշակերտը: Իր նկատմամբ անհատական ուշադրության և աջակցության շնորհիվ նա սկսեց առաջադիմել դպրոցում: Դիանան հայաստանյան հեռավոր և աշխարհից փոքր ինչ կտրված գյուղերից է: Նարեն Նրան խրախուսեց մասնակցելու Շնդկաստանում անցկացվող երեխաների կրթական հեղափոխության կոնֆերանսին և օգնեց դիմումի հայտի ներկայացման գործընթացում: Կոնֆերանսի ընթացքում խորագրով հետաքրքրված աշակերտների և փորձագետների մոտ 100 հոգանոց միջազգային խումբը քննարկել է կրթական հայեցակարգեր և գաղափարներ միտված առկա կրթական համակարգերի բարեփոխմանը: Միջոցառումը կազմակերպվել էր «Դասավանդիր, Շնդկաստան»-ը՝ մեր գլոբալ գործընկեր «Կրթություն բոլորի համար»-ի աջակցությամբ: Հայաստանի աշակերտներին նմանատիպ փորձերի հնարավորության ընձեռումը համահունչ է լայն աշխարհընկալմամբ և ապագայում ինքնավստահ առաջնորդներ լինելու համար անհրաժեշտ գիտելիքներով երեխաներին զինելու մեր նպատակներին:



Դիանա Խլղաթյան, աշակերտ Արմավիրի մարզ, Վանանդ գյուղ




Թոմաս Տոդրամաջյան, 5-րդ սերնդի մասնակից, Անգլերեն լեզվի ուսուցիչ, 2019-2021թթ. Լոռու մարզ, Դեբեդ գյուղ

ՄԵՐ ՄԱՍՆԱԿԻՑՆԵՐԸ

Թոմաս Տոդրամաջյանը ծնվել է Ամերիկայի Միացյալ Նահանգներում: Սովորել է Միլեստոթայի համալսարանում՝ մասնագիտանալով քաղաքագիտության ոլորտում: Թոմասը միշտ հետաքրքրվել է իր հայկական արմատներով եւ այդ արմատների հանդեպ ունեցած սերն էլ Նրան բերել է Հայաստան՝ որպես «Դասավանդիր, Հայաստան»-ի Ուսուցիչ-առաջնորդ:

Այժմ Թոմասը դասավանդում է Լոռու մարզի Դեբեդ համայնքի միջնակարգ դպրոցում: Նա վարում է նաեւ արտադասարանական անգլերենի խմբակներ եւ անհատական աջակցություն տալիս այն աշակերտներին, ովքեր ցանկանում են մասնակցել միջազգային ծրագրերի:



Բիանա Ամիրջանյան, կրթության հավասարության դեսպան, աշխարհագրության ուսուցչուհի 2015-2017թթ. Լոռու մարզ, Կաթնառատ գյուղ

ՄԵՐ ՄԱՍՆԱԿԻՑՆԵՐԸ

Ծրագրին իր մասնակցության ընթացքում Բիանան եղել է ոգեշնչված ուսուցիչ և առաջնորդ: Մենք նրա մեջ տեսնում էինք կրթական քաղաքականության ոլորտում գործելու մեծ ներուժ և Նրան ընձեռեցինք քաղաքականության բարեփոխումների ուղղությամբ վերապատրաստումների, ռեսուրսների և մասնագիտական փորձի հնարավորություններ: Մեր ծրագրին իր երկամյա մասնակցությունից հետո նա ընդգրկվեց «YES Հայաստան» ծրագրում, որը գործում է Կառավարության կայուն բարեփոխումների ուղղությամբ: Եվրոպական միության կողմից ֆինանսավորվող «YES Հայաստան» ծրագիրը ներգրավում էր բարձր որակավորմամբ և ոգևորված երիտասարդների Հայաստանից և Սփյուռքից՝ նախարարությունների հետ ամենատարբեր ուղղություններով աշխատելու համար: Այժմ Բիանան աշխատում է ՀՀ կրթության և գիտության նախարարությունում՝ իր նպաստը բերելով ուսուցիչների որակավորման, կրթության գնահատման նոր համակարգերի մշակմանը և կրթական քաղաքականության բարեփոխումների այլ բնագավառներում: Այս ամենը չսփազանց կարևոր է Հայաստանում դասավանդման նոր մշակույթի ձևավորման համար և համահունչ է առավել բարելավ Հայաստանի հեռանկարով գործող խանդավառ և փոփոխությունների ձգտող առաջնորդների կերտման մեր առաքելությանը:



ՄԻԱՑԵՔ ԵՎ ԱԶԱԿՑԵՔ

Կատարե՞ք Ձեր ներդրումը մեր երեխաների մեջ այսօր: Կատարե՞ք Ձեր ներդրումը մեր ապագայում: Միացե՞ք մեր շարժմանը:

Դիմե՞ք՝ դառնալու մեր ծրագրի մասնակից կամ թիմակից:

Աջակցե՞ք մեզ՝ նպաստելով մեր գործին, հովանավորելով համայնքներին կամ օգնելով ֆոնդերի հայթայթման գործում:

Ցանկանում եք մասնակցել մեր շարժմանը: Կապվե՞ք մեզ հետ info@teachforarmenia.org էլեկտրոնային հասցեով կամ այցելե՞ք www.teachforarmenia.org կայք: